

鄧川州志

第五冊

鄧川州志卷之十

署牧烏程鈕方圖賡雲定

州人

楊柄銓春樵輯  
侯九欽雲坡纂

官師志

建官設吏罔非爲民顧化導拊循於邊遠瘠邑尤要焉  
鄧爲大理屬邑伊昔蒙氏之僭段氏之據所爲分睽置  
部於茲土者不過依稀髣髴若問官屬何人人屬何代  
已杳茫難稽可稽者自明代始耳至若戡亂所以靖邊  
守土或稱厯世雖屢朝更置匪所襲沿亦均有未容泯  
沒者分先後紀之考吏治者於茲鏡得失焉

師命

漢

郭昌武帝元封二年以將軍奉命發巴蜀兵擊滅勞深  
靡莫諸彝開益州郡置牂榆縣屬之

衛廣以中郎將同郭昌平西南彝

王平昭帝始元五年爲軍正時姑繒牂榆彝反奉詔擊  
平之

田廣明以大鴻臚偕王平擊姑繒牂榆彝斬捕三萬人

呂辟胡以衡水都尉與王平田廣明同擊姑繒牂榆彝

有功

東漢

劉尚光武建武十九年牂牁附蠻渠棟蠶反尚以武威將軍發兵三萬討平之

楊竦安帝元初六年爲益州從事時封離蠻叛刺史張喬遣竦將兵至牂牁大破之降其餘三十六種並奏  
姦猾長吏九十人蠻部大悅

蜀漢

諸葛亮後主建興三年南征雍闓旣平諸郡收其豪傑

用之終亮之世南人不復反迄今境內相傳諸葛遺蹟最多

唐

韋仁壽京兆萬年縣人高祖武德七年爲檢校南甯州都督將兵五百人至西洱河承制置七州十五縣各以其豪帥爲刺史縣令法令簡嚴蠻夷悅服咸遣子弟入貢

梁建方太宗貞觀二十二年以武衛將軍討松外蠻遣使諭西洱河降其大首領令入朝受官秩

韋皋萬年縣人西川節度使德宗貞元十七年吐蕃戍  
納川等五城將 師收鶴州以絕南詔時南詔異牟尋  
已內附皋督諸將分道與南詔會陳兵深入遂大破吐  
蕃轉戰千餘里克城七鎮三焚堡百五十所吐蕃頓衰  
不復爲患

元

姚樞字公度柳城人宋寶祐初蒙古攻大理先至曲光  
腦兒夜宴樞備陳曹武惠下江南不殺一人爲盛德事  
太弟領之旣由上關入大理勅樞裂帛頒止殺令民歡

呼滿道

兀良合台蒙古人從世祖分道征雲南自旦當嶺入麼些諸部迎降遂由麗江經鄧川會師大理平二十七部悉置州郡事畢留鎮大理

劉秉忠字仲晦邢臺人從世祖征大理每贊以天地好生王者不殺世祖嘉納焉與樞密使張文謙保全民命尤多後封常山王文謙贈魏國公

明

傅友德字惟學宿州人後寓杭州累功封潁川侯洪武

十五年以征南將軍統師定雲南進拔大理俄而元普  
顏篤也先不花相率反友德自七星關回軍大理平鄧  
川破佛光寨遂因民俗定租賦立學校設屯田撫軍恤  
民教化興焉彝民爲立生祠嘉靖元年有司奏請祠祀  
旌額曰報功

沐英定遠人累功封西平侯洪武十五年以征南副將  
軍同顏川侯平雲南取大理所至未嘗妄殺還鎮雲南  
簡官僚課農桑興學校一切屯田水利力役貢賦悉經  
理有條旣歿滇民請卽省城立廟追贈黔甯王厥後沐

氏世守滇土滇人咸食功德焉

藍玉定遠人洪武十五年以永昌侯充左副將軍同征雲南取大理遂畧地至鶴慶車里等處戰功爲多

郭英濠人洪武十五年以前軍都督府從征大理擒僞平章段氏次年同征佛光寨平之

王弼定遠人洪武十五年以東川侯從征雲南所至歸附惟大理恃蒼洱之險仍拒命友德命弼別以一軍繞洱海東由鄧川取上關遂拔大理

國朝

信郡王鐸尼順治十六年爲安遠靖寇大將軍平雲南  
大理鄧川歸附

副都統伍格康熙五十九年征西蕃師行經境部伍嚴  
肅民皆安堵

制軍覺羅琅玕嘉慶七年征獐獐師行經鄧往返年餘  
民間困於供億賴公擒渠蕩平人頌德焉

制軍林則徐福建侯官人嘉慶辛未進士道光二十五  
年永昌漢回構釁於是迤西回民悉騷動並勾結川陝  
諸匪布要地禍將不測適二十八年三月公赴永昌擒

哨匪甫抵雲縣則迷渡匪徒已據城作亂公密授將弁  
計一鼓勦除之諸未發者咸讐慄於是駐節大理悉捕  
諸倡首者寘於法西迤賴以安堵又發兵勦除鄧川猺  
賊詳見盜防志

使命

漢

司馬相如蜀郡成都人武帝元光五年以中郎將持節  
入西南夷冉駹牂牁諸君長皆請內屬除邊關益斥遂  
開越嶲益州二郡

司馬遷龍門人武帝元封元年以郎中奉使巴蜀南畧  
邛笮昆明至西洱河還報命

唐

崔佐時德宗貞元十年爲韋皋巡官會吳牟尋請歸唐  
皋使佐時持詔書往諭之適吐蕃使者在尋令蠻衣入  
佐時不從且勸斬蕃使於是尋率兵大破吐蕃於神州  
斷鐵橋取十六城虜捷京師

論曰伊昔開滇實始莊躋故論者謂滇宜祀躋蓋荒  
徼甫闢之功未可泯沒也夫今日之鄧固與全滇同

躋衽席矣而溯其始則漢置櫟榆頗煩遠畧唐開遼  
備式遏蕃烟累朝南顧之殷蓋未嘗不欲鱗介而衣  
冠之也而元戢之明拊之至我

朝德威所播稱極治焉凡諸撫綏恢拓悉關邊邑締造  
所由故備紀之豈曰撫拾無當哉

知州明隆慶  
三年設

明

邢繼先

四川閬中人舉人隆慶年  
間由浪穹縣知縣陞任

周文化

貴州貴陽人舉人隆  
慶年間任築舊州城

姜雲梯

安徽黟縣人舉人萬曆年間任

陳時範

貴州普安人舉人萬曆年間任

陳輔

山西廣昌人舉人萬曆年間任宦蹟見後

李養棟

貴州貴陽人舉人萬曆年間任

吳濂

江西占山人舉人萬曆年間任

常真傑

廣西恭城人舉人萬曆年間任宦蹟見後

陳遵

湖南興甯人舉人萬曆年間任

鍾大章

貴州都勻人舉人萬曆年間任

葉期化

甯遠人舉人萬曆年間任

周天覺

浙江人舉人  
萬曆年間任

江毓粹

四川龍昌人舉人  
萬曆年間任

戴應豸

貴州普安人舉人  
萬曆年間任

周敬先

浙江人舉人  
萬曆年間任

程文弼

貴州貴陽人舉人  
萬曆年間任

時敦中

廣西灌陽人舉人  
萬曆年間任  
間任有救瀾宜河堤功

周之相

貴州貴陽人舉人  
天啟年間任  
西湖水尾阻塞購田為洫洩之在今三道橋界

徐保泰

廣西馬平人舉人  
天啟年間任  
宦蹟見後

趙渤

四川蒼溪人舉人  
天啟年間任

唐敷化

貴州貴陽人舉人崇禎年間任

楊郁然

江西浮人恩貢崇禎年間任

厲汝翮

崇禎年間任舊志謂黔東人考明代無此州縣名疑悞

敖滋貞

四川金堂人選貢崇禎年間任新遷州治於來鳳岡

周邵

貴州貴陽人文化子崇禎年間以大理府通判署

盧多益

四川人崇禎年以大理府同知署始丈隄分界

朱希程

廣西人崇禎年間以太和縣知縣署革守堂鄉夫民感德焉

王重道

貴州人崇禎年間以大興府通判署能治水患

蔣爾第

福建惠安人崇禎年間以賓川州知州署清糧課士功在鄧邑

馮應龍

廣東人崇禎年間以楚雄府刑廳署

費炳

籍貫失考崇禎年間以楚雄府通判署

劉丕承

江西瑞州人崇禎年間以大理府通判攝躁酷被禍逮繫至京

曹燦然

陝西人崇禎年間以騰越州州判署政尚嚴明

林茂成

廣西人崇禎年間以大理府通判署

張瑋

四川宜賓人以景東同知署宦蹟見後

國朝

卞廷槐

河南洛陽人順治年間任

劉登雲

盛京遼陽人康熙年間任